



Inatsisartuni ilaasortaq
Hans Enoksen
/Maani

Pineqartooq: § 36, imm. 1 naapertorlugu apeqput nr. 2010-84-imut akissut Asasara Hans Enoksen,

7. maj 2010
Sagsnr. 2010-030545030545
Dok. Nr. 373061

Nammineerluni illuliat pillugit apeqputigisannut, suliamut nassuiaateqarnissamut periarfissiisumut qujanaq.

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nаноq.gl
www.nаноq.gl

1. Nunaqarfinni isorliunerusunilu nammineerluni illuliat illorput 2000 qassit ukioq manna 2010-mi agguanneqarpat?

AKISSUTEQAAT: Nammineerluni illuliaq illuliaavoq, "Nammineerluni illulianut aningaasalersuisarnermut aqqissuussineq" malillugu aningaasalersorneqartartooq. Tassalu sanaartornermi atortut 95%-iinut Namminersorlutik Oqartussat taarsigassarsititsisarput, kiisalu 5%-it kingulliit piginnittumit namminermit akilerneqartussaallutik. Piginnittup nammineerluni illu sanasussaavaa. Nammineerluni illuliornermut aqqissuussinerup nalilersuiffigeqqinneqarnera tunngavigalugu 1. januar 2008 aallarnerfigalugu aqqissuussinermik nutaamik, nammineerluni illuliornermut aqqissuussinermut taartaasussamik atuutsitsisoqalerpoq. Sanaqataalluni illulianut aqqissuussinermik taaneqartooq taanna allaanerusumik aningaasalersorneqartarpoq.

Taamaattumik 2010-mi nammineerluni illuliassanut aningaasaliisoqangnilaq, aqqissuussineq taanna atorunnaarsimammat. Sanaqataalluni illulianut aqqissuussinermut tunngatillugu 2010-mi sanaqataalluni illulianut aqqissuussinermut aningaasaliissutissanik immikkoortitsisoqangnilaq, nunaqarfinni isorliunerusunilu nunap immikkoortuini suliniutissat utaqqineqarmata.

2. Kiisalu inuit qassit nammineerlutik illuliani najugaqartut qassit 2010-mi aserfallatsaaliinissamut aningaasaliiffigineqarpat?

AKISSUTEQAAT: Aningaasanut inatsimmi kontomi pingaarnermi 87.72.21 Inissialioriternermut tapiissuteqartarnee, iluarsaassinissamut tapiissutit, 2010-mi aningaasaliissutissat 1,4 mio. koruunit ilanngunneqarput. Taarsigassarsiallit, inissialioriternermut tapersiissuteqartarnee pillugu Inatsisartut peqqussutaat naapertorlugu akiligassaminnik akiitsumillu sinnerinik isumakkeerinniffigineqarsimasut qinnuteqaataat aalajangersimasut tunngavigalugit qinnuteqartut illuini iluarsaassinissamut immikkullu ittumik aserfallatsaaliuinissamut tapiisoqarsinnaavoq.

Aningaasanut inatsimmi kontomi pingaarnermi 89.72.21 Inissialioriternermut tapiissuteqartarnee, iluarsaassinissamut immikkullu ittumik aserfallatsaaliuinissamut taarsigassarsiarititat, 2010-imut aningaasaliissutissat 2,3 mio. koruunit immikkoortinneqarsimapput. Aningaasaliissutit aqutugalugit inissialioriternermut

tapiissuteqartarneq atorlugu illulianik iluarsaassinissamut pitsanngorsaanissamullu, aamma nunaqarfinni isorliunerusunilu nammineq illulianik pitsanngorsaanissamut alliliinissamullu qinnuteqartoqarneratigut taarsigassarsititsisoqarsinnaavoq. Taakku saniatigut aamma inissialortiternermut tapiissuteqartarneq atorlugu illulianik piginnittut nikerinneranni iluarsaassinissamut aammalu piginnittuunerup ingerlanerani iluarsaassinissamut/pitsanngorsaanissamut taarsigassarsititsisoqartarpoq.

Aamma Aningaasanut Inatsimmi allassimavoq, illuni pioreersuni iluarsaassinissamut pitsanngorsaanissamullu taarsigassarsititsinissamut aningaasaliissutit tulleriaarneqarnerini illut ingerlaannartumik pigineqartut nalinginnaasumik pitsanngorsarnissaannut, soorlu kiassaateqarfimmut atassusiinissamut, ukioq kaajallallugu imermik pilersuivimmut atassusiinissamut, kuuffeqarfimmut atassusiinissamut, uffarfiliornissamut, oqorsaaqqinnissamut il.il. salliutinneqassasut. Inissiaatit pitsanngorsaavigineqarnissaat siunertarlugu inissialortiternermut tapiissuteqartarneq atorlugu illuliani iluarsaassisoqartassaaq. Taamaattumik aserfallatsaaliuisoqarsimannginneranut iluarsiinissamut tapiissuteqartoqartassanngilaq taarsigassarsititsisoqartassananiluunniit.

3. Aammalu ukiut tulliitut illuliassat qassit aningaasaliiffigineqartassappat?

AKISSUTEQAAT: Ukiuni tulliuttuni nammineerluni illuliassanut aningaasaliisoqassanngilaq, aaqqissuussineq taanna atorunnaarsinneqarsimammatt. Tassani illuliat sanaqataaffiusut eqqarsaatigineqarpata, sanaartugassanut periusissat tamatumunnga apeqqutaassapput. Suliniutissamik, nunaqarfiit isorliunerusunilu ataatsimoortillugit aaqqiiffigineqarnissaannut periarfissiisunik pisariaqartitsinerup takutippaa, ataqatigiit ilivitsuusut ataasiakkaat eqqarsaatiginagit, siunissaq ungasissoq eqqarsaatigalugu eqqarsarnissaq naleqqunnerpaassasoq. Taamaattumik nunaqarfinni isorliunerusunilu inissialortiternissamut aningaasaliisoqannginnerani, periusissaq utaqqineqaaqqaassaaq.

Naggasiutigalugu ilassutitut ilisimatitsissutigisinnaavara, Naalakkersuisut kommunini illuliassanut aqqaneq marlunnut aningaasaliissutinik atugassanngortitsinissaq pillugu aningaasaliissutinut tapiliussassanik, missingersuutinut sunniuteqartussaannngitsunik qinnuteqaammik nassiussaqaarsimammata. Atugassanngortitsinissaq Aningaasaqarnermut Ataatsimiititaliap akuerissappagu, illut taakku Qaanaami Kullorsuarmilu sanaartorneqassapput.

Inussiarnersumik inuulluaqqusilluta

Jens B. Frederiksen